

**CAL.** *Perianthium* diphyllum, laterale, bractea paulo brevius: foliolis ovatis, acuminatis: inferiorum florum simplicibus, superiorum plerumque bifidis.

**COR.** monopetala, ringens, tubulosa, calyce duplo longior, arcuatim curva, sinu subtus subrecto quasi infracta. *Tubus* basi ventricosus, teres, sursum compresso-triangularis, dorso carinato. *Limbus* brevissimus, quinquefidus, bilabiatus, æqualis quasi longitudinis. *Lab. superius* bifidum, compressum: laciniis rectis, obtusis (non inflexis). *Lab. inferius* trilobum, planum: laciniis transversim oblongis; lateralibus brevissime acuminatis; intermedia subcrenulata; marcescens.

*Nectarium* Squama subglandulosa, ab anteriore parte basi Germinis, adpressa, transversim oblonga, convexa.

**STAM.** *Filamenta* quatuor, subulata, tubo antè affixa, ascendente, sursum incurva, extra corollam non prominentia. *Anthera* oblonga.

**PIST.** *Germen* oblongo-acutum. *Stylus* filiformis, sursum incurvus. *Stigma* capitatum, transversale, bilobum, obtusum, nutans.

**PER.** . . .

**SEM.** minutissima.

*Color* corollæ albo-pallidus, dorso tubi ad rosco-pallidum inclinans. Limbi saturate purpureus s. violaceus.

Differt a priori:

Braçteis deltoidibus corolla minoribus.

Corollæ tubo basi ventricosiore; superius insigniter incurvo,

- - - laciniis limbi integerrimis.

labii superioris erectis: inferioris æqualibus.

Staminibus & Pistillo non extra florem prominentibus.

Nectarii squama optime conspicua.

Plantæ colore pallido, superficie glabra, nec non colore Floris.